

ТРАКТОР

УАССР Дебессысь ВКП(б) Райномлэн, Райисполкомлэн органы
6 август 1938 ар № 72 (709) 8-ти арзэ потэ

Партилен райком'ёсызлэн секретарьёсызлы но райисполком'ёслэн председателёсылы Радиограмма

Интыын проверить карыса установит каремын, что Вавожской районьсь „Водзмонья“ колхозын жегез октон-калтон дыр'я тысьлэсь бадзым ыштон'ёссэ лэзё, а именно: котькуд квадратной метрын ыштон'ёс выражаться карыско 33 грамм, со составлять каре котькуд гектар вылысь 3 центнерлэсь но ятыр тысьлэсь ыштонэз. Та колхозлэн 1600 гектар жег кизем площадез вылысь тысьлэн ыштон'ёсыз составлять карозы 5280 центнер.

Обком но Совнарком та же ыштон'ёсты ляд'яло вредительстволэн фактыны, колхозник'ёс азын но государство азын туж бадзым преступлений.

Обком но Совнарком партилен Вавожской райкомезлы но райисполкомлы предлагать каро та фактэз чик жегатскытэк, обсудить карыны, та же вредительской антигосударственной фактэз допустить каронысь виновник'ёсты уголовной от-

ветственность улэ кысконо но октон-калтонын ыштон'ёсты лэзэнтэм вылысь кулэ луйсь мераосты кутыны. Октон-калтонэз ортытоно ыштон'ёстэк но вакчи дыр куспын. Арам но культосты керттылэм бере чик жегатскытэк, организовать кароно шеп'ёсты мажесэн маштанэз но кыин октонэз. Кутэм мераос сярсы Обкомлы но Совнаркомлы 1 августлэсь бере кылытэк ивортоно.

Обком но Совнарком предлагать каро вань райком'ёслы но райисполком'ёслы чик жегатскытэк организовать карыны октам-калтэмлэсь жечлыкэз эскерыны сельской хозяйстволэн специалист'ёсыз пыр. районной партийной, советской но комсомольской актив пыр, жечлыкэз эскерись колхозной инспектор'ёс пыр. Октон-калтонын ю-тысез ыштон'ёсты допустить каронысь виновник'ёсты строжайшой ответственность улэ кысконо.

Совнарком Тронин.
Обком Шленов.

Советской территория вылэ японской войскоослэн выль провокационной вторжениясы сярсы

ТАСС-эн авторитетной круг'ёсысь басытэм сведениос'я, Хасан островлэн районаз советской но японской частьёс купын дуэм столкновенилэн суредэз та же луэ.

29 июле японской отрядэн захватить карем Безымянной высотаньс уллям бере, японцев'ёс советской территория выльсь Заозерной (Чанкуфын) высота вадьсы войскоосэс лыказы. Соослэн лыдзы одйг дивизия ёрос вал.

31 июле уйин 3 часын японской войскоос артиллерилэн прикрытиез улсын шодтэк шорьсь напасть каризы советской пограничной застава вылэ. Сое Заозерной высота дорьсь оттеснить каризы. Таин чош ик японской артиллерия, советской подкреплениеслэн лыктонзылы люкетыны понна, матысь высотаосты но соос сьбрти мынйсь проселочной сюресэз ыбылыны кутскиз. Артиллерилэн юртэмез'я, японской пехота советской территория вылэ ог 4 километр кеме пыриз. Кёня ке час ортыча, татчы лыктэм советской регулярной частьёс японской войскоосты советской территория выльсь выбить каризы. Кыкна палаз ик раненной-вс но вием'ёс вань. Японцев'ёслэн вием но ранить карем мурт'ёссы 400 муртозлы вуэ. Японцев'ёсын советской территория вылэ 5 орудизы, 14 пуле-

мет'ёсы но 157 винтовкаосы патрон'ёсынызы валче кельтэмын. Советской сторонаын раненнойёс 55 мурт, вием'ёс 13 мурт. Со сяна отбить каремын одйг советской танк но одйг орудие. Предполагаться карыске, что японцев'ёс кие одйг советской летчик шедиз шуыса, кудйз разведывательной самолетьсь парашютэн лэзёкыз.

Японской вторжениялэсь азьдо но, бой мынон дыр'я но советской войскоос советско манчжурской границаез одйг пол но нарушать бз карылэ, тыни сооссты лишить каризы возможностьлэсь японской захватчик'ёсты котыртыны яке соослэн флангазы пырыны.

Токионьс советской повереннойлы косэмын сётыны японской правительстволы энергичной протест но японской правительстволэсь вниманизэ обратить карыны японской военциналэн действиюсызлэн грозной последствиоснэ луыны быгатонзы шоры, кудйз (японской военщина) советской територилэсь неприкосновенностьсэ уважать карыны жедать уг кары. Советской территориилэн границаез русско-китайской договор'ёсын установать каремын но со договор'ёс борды приложить карем но Китайлэн представительёсызлэн подписьёсынызы снабдить карем картаосын четкой возматэмын.

Газогенераторной автомобильёслэн пробегзы вуоз

Т у н н э газогенераторной автомобильёслэн пробегзы Дебесс селое вуоз. Дебесс селосьен маршрутсы Игра селое. А сьме Дебесс районьн трудящейёслы газогенераторной

автомобильёслэн пробегзылы значенизэ при д а т ь карысэ производственной под'ём'ёсын пумитано. Али ик доротделлы выж'ёсыз но сюрес'ёсыз умой умой тупатыны кутсконо.

Удмуртской АССР-лэн Верховной Советэзлэн нырысетй Сессияз Удмуртской АССР-лэн Верховной Советэзлэн Президиумез та же составен быр'емын:

Удмуртской АССР-лэн Верховной Советэзлэн Президиумезлэн председателэз—

1. Ворончихин Иван Тихонович—Сарапульской районьсь, Северной округлэн депутатэз.

Удмуртской АССР-лэн Верховной Советэзлэн Президиумезлэн председателэзлэн заместительёсыз:

2. Ельцов Иван Николаевич—Глазовской районьсь, Качкашурской округлэн депутатэз.

3. Шибанов Корнил Ильич—Вавожской районьсь, Больше-Докьянской округлэн депутатэз.

Удмуртской АССР-лэн Верховной Советэзлэн Президиумезлэн секретарез—

4. Пестерев Павел Николаевич—Шарканской районьсь,

Шарканской округлэн депутатэз.

Удмуртской АССР-лэн Верховной Советэзлэн Президиумезлэн член'ёсыз:

5. Бушмакина Зинаида Семеновна—Ижевск городьсь, Вокзальной округлэн депутатэз.

6. Вахрин Петр Алексеевич—Воткинск городьсь, Машиностроительной округлэн депутатэз.

7. Гаврилов Игнатий Гаврилович—Можгинской районьсь, Поршурской округлэн депутатэз.

8. Голдобина Ксения Александровна—Ижевск городьсь, Ленинской округлэн депутатэз.

9. Гудимов Павел Иванович—Сарапульской районьсь, Паркачевской округлэн депутатэз.

10. Девятьяров Гизатулла Гатаулович—Мало-Пургинской округлэн депутатэз.

11. Долгушев Николай Васильевич—Дебесской районьсь, Дебесской округлэн депутатэз.

12. Коробов Сергей Иванович—Ижевск городьсь, Лесозаводской округлэн депутатэз.

13. Кочкарева Татьяна Спиридоновна—Ижевск городьсь, Ждановской округлэн депутатэз.

14. Серебрякова Анна Даниловна—Нылгинской районьсь, Нылгинской округлэн депутатэз.

15. Спорынин Сергей Афанасьевич—Як-Бодьянской районьсь, Старо-Кыквинской округлэн депутатэз.

Удмуртской АССР-лэн Верховной Советэз нырысетй Сессияз (персональной голосованиен) УАССР-лэсь правительствозэ—Народной Комиссар'ёсызлэсь Советсэс та же составен кылдытйз:

1. УАССР лэн Народной Комиссар'ёсызлэн Советсэзлэн председателэз—**Андрей Васильевич Тронин.**

2. Народной Комиссар'ёслэн Советсэзлэн председателэзлэн заместителэз—**Анатолий Васильевич Соловьев.**

3. Народной Комиссар'ёслэн советсэзлэн председателэзлэн заместителэз—**Константин Платонович Ардашев.**

4. Государственной Плановой Комиссиялэн председателэз—**Игнатий Игнатьевич Маяцкий.**

5. Земледелилэн Народной Комиссарез—**Александр Григорьевич Касатин.**

6. Вузкарон уж'ёс'я Народной Комиссар—**Алексей Васильевич Тарасов.**

7. Финансовой уж'ёс'я Народной Комиссар—**Степан Алексеевич Александров.**

8. Пищевой промышленности

лэн Народной Комиссарез—**Семен Алексеевич Мансимов.**

9. Местной промышленности лэн Народной Комиссарез—**Михаил Васильевич Кайгородов.**

10. Лесной промышленности лэн Народной Комиссарез—**Артеми Ефимович Павлов.**

11. Коммунальной хозяйстволэн Народной Комиссарез—**Борис Алексеевич Денисов.**

12. Внутренней ужпум'ёс'я Народной Комиссарез—**Дмитрий Васильевич Шленов.**

13. Просвещенилэн Народной Комиссарез—**Прокопий Гаврилович Наговицын.**

14. Здравоохраненилэн Народной Комиссарез—**Фекла Андреевна Растегаева.**

15. Юстицилэн Народной Комиссарез—**Прохор Васильевич Ившин.**

16. Социальной обеспеченилэн

Народной Комиссарез—**Георгий Алексеевич Ефремов.**

17. СССР лэн Заготовка ужпум'ёс'я Народной Комиссариатлэн уполномоченноез—**Михаил Иванович Телятников.**

18. Дорожной управленилэн начальникез—**Степан Васильевич Горбушин.**

Искусство ужпум'ёс'я управленилэсь начальниксэ назначить карон сярсы вопросэз Верховной Совет поручить кариз Верховной Советлэн президиумезлы рассмотреть карыны.

Сессилэн эскероно уж'ёсыз быремын.

Удмуртской АССР-лэн Верховной Советэзлэн председателэз Н. П. Разенов эш вера, что Верховной Советлэн вачь эскероно уж'ёсыз'я решениос ог кылысь кутэмын но УАССР-лэн Верховной Советэзлэсь нырысетй Сессияз ворсаськемэн ялэ.

Удмуртской АССР-лэн Верховной Советэз нырысетй Сессияз та же постановление кутйз:

1. УАССР-лэн Верховной Советэзлэн депутат'ёсызлы депутатской обязанностьёссэс быдэс'янын валче расход'ёссэс возместить карон понна толэзлы быдэ 300 манет юматано.

2. УАССР-лэн Верховной Советэзлэн Сессиез дыр'я расход'ёсты возместить карон понна 50 манет суточной установать кароно.

3. УАССР-лэн Верховной Советэзлэн президиумезлэн сметаэз предусмотреть кароно УАССР-лэн Верховной Советэзлэн председателэзлэн распоряженияз представительства но депутат'ёсын сношения расход'ёслы, арлы 50 сюрс манет.

Удмуртской АССР-лэн Верховной Советэзлэн Президиумезлэн нырысетй заседаниез

28 июле, И. Т. Ворончихин эшлэн председательствовать карем улсаз УАССР-лэн Верховной Советэзлэн Президиумезлэн заседаниез ортычэ.

УАССР-лэн Верховной Советэзлэн нырысетй Сессияз принять карем закон'ёсты опубликовать карон сярсы но Сессилэсь стенографической отчетсэ поттон сярсы Президиум решение кутйз. Сессилэн стенографической отчетэз удмурт но зуч кыл'ёсын поттэмын луэ. Озы ик кутэмын решение РСФСР-лэн Верховной Советэзлэн нырысетй Сессиезлэсь стенографической отчетсэ удмурт кыдын поттыны.

УАССР-лэн Верховной Советэзлэн Президиумез, та же составен комиссиялы: П. Н. Пестерев, П. А. Вахрин но С. А. Спорынин эш'ёслы, УАССР-лэн Верховной Советэзлэн Президиумезлэсь аппаратсэ реорганизовать карыны план дасяны но асьсэлэсь предложениоссэс

юматаны понна 20-ти август азе президиуме сётыны поручить кариз.

Удмуртской АССР-лэн Верховной Советэзлэн депутатэзлы депутатской билетлы но нагрудной анаклы образец'ёс юматэмын. Удмуртской АССР-лэн Верховной Советэзлэн Президиумезлэн Почетной грамотазлы образец юматэмын.

Удмуртской АССР-лэн Верховной Советэзлэн Президиумезлэсь куинь переходящей знамязэ установать карон сярсы решение кутэмын: сельской хозяйствон образцовой уж понна, есциалистической промышленностин стахановской уж понна но культурной строительствоя образцовой уж понна.

„Удмуртская правда“, „Удмурт коммуна“ но „Ленин юлы“ газет'ёсты УАССР-лэн Верховной Советэзлэн Президиумезлэн печатной орган'ёсыныз ляд'яны Президиум решение кутйз.

Удмуртской АССР-лэн Верховной Советэзлэн нырысети Сессияз

Дебесс районьсь Портурнес сельсоветысь Темкино нимо колхозысь председательлэн С. В. Кокоулин эшлэн речез

Эш'ёс, Удмуртской АССР-лэн Верховной Советэзлэн депутат'ёсыз!

Дебесской районлэн колхозник'ёсызлэн, советской интеллигенциезлэн но ваньмыз трудящейёсызлэн нимынызы калыклэн избраннык'ёсызлы. Удмуртской АССР-лэн Верховной Советэзлэн депутат'ёсызлы пось, большевистской привет верасько. (Кичапкон'ёс).

Дебесской районлэн трудящейёсыз перадасть каро особо сердечной привет но пось пожеланиос здравствовать карыны кема, кема ар'ёс быдэс дуннелэн трудящейёсызлэн вождызы но дышетисьсылы, Удмуртской АССР-лэн Верховной Советэзлэн первой депутатэзлы—Иосиф Виссарионович Сталинлы, (кичапкон'ёс. Ваньмыз султо. Куараос «привет!»), озы ик солэн боевой соратник'ёсызлы Вячеслав Михайлович Молотовлы, Лазарь Моисеевич Кагановичлы, Климент Ефремович Ворошиловлы, Михаил Иванович Калининлы, Анастас Иванович Микоянлы но Николай Иванович Ежовлы. (Кичапкон'ёс).

Ленинлэн - Сталинлэн великой, непобедимой партиезлэн кивалтэмез улсын, Советской Союзлэн калык'ёсыз добитесь кариськизы социализмлесь всемирно-исторической азинлык'ёссэ, Ленинско-Сталинской национальной политикаез улонэ неуклонно пыртон обеспечить кариз, Удмуртской республикалэн социалистической строительствозлэсь сяськаяськонзэ но будонзэ. Удмуртской АССР-лэн трудящейёсыз али подводит каро трос шумпотонэ азинлык'ёслэсь трос славной вормон'ёслы итог'ёс.

Милям Дебесской районмы озы ик трос азинлык'ёсын лыктыз Удмуртской АССР-лэн Верховной Советэзлэн Сессияз. Милям районмы туж бере кыле вал культура ласянь. Али ми неграмотностез но малограмотностез ликвидировать

карон понна ныр'яськон ужын республикаын нырысь интые потйськом ни но обязаться кариськиськом туэ арын неграмотностез но ликвидировать каронзэ быдэстыны. (Кичапкон'ёс).

Дебесской районьсь колхозник'ёс умой справиться кариськизы тулыс ю кизенэн но ю октон-калтон ужлы дасяськонэн. Милям колхоз'ёсмы зажиточность луо. Районьсь 20 колхоз'ёслэн асьсэлэн автомашинаоссы вань, нош куд-огез, кылсярысь, Ленинлэн нимыныз нимама колхозлэн 2 машинаосыз но локомобилез вань.

Милям районамы будйзы синмаськымон адымиос—стахановец'ёс. Ми гордиться кариськиськом СССР-лэн Верховной Советэзлэн депутатэныз, Ленинлэн орденэныз наградить карем телятницаен Евдокия Федоровна Будиная кадэ знатной адымиосын. Солэн примерез'я ужа телятница Наталия Чувашева, со добитесь кариськизы умой показателёсты. Со будэтйз нывль сюлэсь но уно кунян'ёсты.

Милям стахановец'ёсмы пöлысь ми медйськом вераны уно но качественной этын мертчан басытон понна инициаторез Мария Дзюинаез, со освоить кариз Санталовлэсь льнотрепалказэ. Озы ик вераны медйськом УАССР-лэн Верховной Советэзлэсь депутатэ Анастасия Богатырева сярысь, пудо вордонь но этын ужын со стахановка луэ, 1937 арын государстволы этын мертчан сдать каронзэ быдэстон сяна, 1938 ар понна но вуж тресталэсь этын мертчан сдать каре. Знатной тракторист Поздеев эш колесной тракторен гыроньн нормаэз 200 процентлы быдэс'яз.

Сычөөсь милям районьсь умоесь адымиосмы.

Трудящейёслэн злейшой враг'ёсы фашизмлэн троцкистско-бухаринской, буржуаз-

но-националистической агент'ёсы асьме калыклэсь шудэз, югыт улонзэ, азыпалан радостной улонзэ таланы медо вал, но соослы өз кылды, уз но кылды.

Славной Советской разведкалэн юртгэмез'я кудйныз кивалтэ сталинской нарком УАССР-лэн Верховной Советэзлэн депутатэз Николай Иванович Ежов, асьмеос фашистской злейшой враг'ёсты разгромить каримы, озы ик азыпалан но калык'ёслэсь враг'ёссэ беспощадно громить каромы. (Кичапкон'ёс).

26 июне Удмуртиысь трудящейёс эшшо одйг пол продемонстрировать каризы асьсэлэсь несокрушимой морально-политической единствозэс. Ленинско-Сталинской партилы асьсэлэсь безграничной преданностьсэс, коммунизмлэн окончательной торжествоз понна асьсэлэсь волязэс, Удмуртской АССР-лэн Верховной Советэзлэн депутат'ёсыныз ваньмыз единодушно коммунист'ёслэн но беспартийной'ёслэн блоксылэн кандидат'ёсыз быр'емын.

Дебесской районьсь колхозник'ёслэн, советской интеллигенцилэн но вань трудящейёслэн нимынызы мон Тйлед, эш'ёс депутат'ёс, Тйлед ужады асьме великой родинамылэн благоезлы, удмуртской калыклэн но удмуртской трудящейёслэн умой счастливой улоназы плодотворной но азинлыко ужаны желать карисько. Луэлэ Ленинско - Сталинской тип'ем леятельсэсин!

Дано мед луозы калыклэн посланец'есыз — Удмуртской АССР-лэн Верховной Советэзлэн депутат'есыз.

Дано мед луоз асьме великой родинамы!

Дано мед луоз трудящейёслэн но человечестволэн великой вождызы но учительзы Иосиф Виссарионович Сталин! (Кичапкон'ёс. Ваньмыз султо)

Партактивлэн собранияез

ВКП(с) райком 30 июле партактивен собрание ортчтыз. Собрания ВКП(б) райкомлэн кыктэтй секретарез Перовщикоз эш партилэн 11-тй с'ездэзлы 35 ар тырмемез сярысь доклад лэсьтйз. Доклад бере партий-

ной актив первичной парторганизациоссы но парткандидатской группаоссы партилэн 11-тй с'ездэзлы 35 ар тырмемез сярысь партийной собрание но колхозной агитатор'ёсын семинар ортчтыны миньзы.

Сочувствующейесты вунатиллям

Сочувствующойёс асьме партимылэсь радзэ бюджетоньн важнейшой резервен луо. Татын партилы матысь адымиос политической воспитание большевистской организованностьлэсь навиксэ но дисциплиназэ басытыны быгато.

Партийная организация сочувствующойёсты политучебаын дышетэ, открытой партсобраниясы отылыз но соослы поручениос сётылыса, ужалызы сярысь эскерон нуэ но соослы юрттэт сётылэ. Тини кызы партиорганизация сочувствующойёсты воспитывать каре.

Нош куд-ог первичной парторганизациос но парторг'ёс сочувствующойёс пöлын номре но уж уг нуо, соосты вунэтйл-

лям. Тани Ленин нимо колхозысь первичной парторганизациын (парторг Сокунов эш) сочувствующой Иванов П. А. Райисполкомской первичной парторганизациын (парторг—Поздеев) сочувствующой Николаев, Лесагуртской парткандидатской грппаын (парторг Опарин) сочувствующой Воронцов Иван А. Та выль верам парторг'ёслэн сочувствующойёсы Октябрь толэзысен 1938 арын политучебаосын өз ни дышетске, открытой партсобраниясы уг öгыло поручениосыз сётылымтэ

Перовщикоз

Араньн нормаоссэс мултэсэн быдэс'яло

Тольен сельсоветысь „Политотделец“ колхозысь Белослудцев Константин Иванович но Ившин Афанасий Андреевич аран машинаен 4,5 гектар интые быдэн 5 гектар арало. Машинаен арам бёрсы керттылоньн Докучаева Клавдия Константиновна культоткертонын нормаэз мултэсэн быдэс'я.

Б. Воронцов.

Комбайн ку ужаны кутскоз?

Шуралуд сельсоветын „Юный пахарь“ колхозын комбайн ужатэк сылэ. Али та дырозь тракторез (кудйз ке комбайнэн ужаны юматэмын) тупат'яса удйзы. Та трактор тудыс ю кизён тырсын өз ужа, куашкамын вал. Нош тракторист'ёсы но уг окмо: Симанов но Хохряков тракторист'ёс кемалась уг ужало ни. Комбайн бордын ужасьёс раскачиватся карисько ик ни араны потомы шуыса.

Хохряков.

„Сосновый бор“ колхоз зег аранзэ быдэстйз

„Сосновый бор“ колхоз туэ синмаськымон урожайзэ октонкалтонзэ дасьлыкен пумитаз. Ю октон-калтонзэ ыштон'ёстэк ортчтон понна, аран татын али туж ик кужмо ортчтыське.

Социалистической Чошаткыса ужан вамен 3-тй августэ зег аранзэс 100 процентлы быдэстйзы. Зег аранын умой ужась колхозник'ёс будо. Тани Бушмакин Роман Иванович аран машинаен 4 гектар интые 4,07 гектар быдэс'я. Сербренников Василий Алексеевич 2,5 гектар аран интые 3,30

гектар ара. Бушмакина Клавдия Семеновналэн звенояз; Владыкина Любовь Весильевна, М. П. Владыкина, М. В. Владыкина, М. Н. Бушмакина, П. М. Перовщикова таос ваньзы машинаен арам бёрсы 0,30 гектар выльсь керттон интые 0,32 гектар выльсь культоткертто. Нош кийн араса 0,12 гектар интые 0,17 гектар арало.

Али колхозник'ёс яровой ю араны переключитесь кариськемын, со сяна кутсасыкыны но этын тышкан борды. 11358 этын культоткертышкымын ии. Владыкин.

Стахановец'ёс будо

Тольен сельсоветысь „Красный октябрь“ колхозын Елена Петровна Хохрякова, Анна Семеновна Воронцова, Х.Ф. Каракулова но Ксения Николаевна Трапезникова этын ишконьн 200-

250 процентлы нормаэс быдэс'яло. С. Н. Воронцова культоткерттоньн 150 процентлы быдэс'я. Умой ужась колхозникаосыз премировать каремын. Воронцов.

„Серп и молот“ колхоз уборочноен бере кыстйське

Зармедла сельсоветысь уборочной азелы дасяськон „Серп и молот“ колхоз ю октонкалтонэн ноқытчы чидантэм бере кыле. Татын уборочной азелы урод дасяськемын, аран машинаосты уж вылын использовать карыны угбыгато. Та колхозын 3 аран машина лыд'яське, огеныз но умой-умой араны уг луы. Машинаоссэс али тупат'яса дырзы токма гинэ быре. Колхозлэн председателез Перовщикоз

относится кариськиз. Тани колхозын ваньмыз 186 гектар зег киземын, 4 августозь 41 гектар гинэ араны ии. Озы ик зег кизен но 174 гектар интые 59 гектар сяна бөвл киземын на. Колхозник'ёс пöлын ноқыче массово-агитационной уж уг нуиськи.

Трефилов.

Горючой өвöлэн трактор'ёс ужатэк сыло

Сюрногуртской 8 номеро тракторной отрядын 3 трактор'ёс (27 июлысен) горючей

өвöлэн ужатэк сыло. МТС-ын ужасьёс горючой луоз шуыса пыр обещать каро. Ложкин.

Ю октон калтонлэн, этын ишконлэн но зег кизённэн 4-тй августозь быдэсмензы сярысь

Сводка

Сельсовет'ёс	Этын ишкон %/0	Коняети инты басытэ	Зег аран %/0	Коняети инты басытэ	Зег кизён %/0	Коняети инты басытэ
Зармедла	100	1	30,5	10	16,0	9
Портурнес	98,0	2	37,0	5	31,0	2
Уд-Лем	95,6	3	50,4	2	13,0	11
Б-Кизня	94,4	4	43,6	4	6,0	13
Аргурт	92,4	5	72,0	1	17,0	8
Б-Зетым	91,5	6	44,1	3	47,0	1
Лесагурт	89,3	7	35,7	6	21,0	5
Сюрногурт	85,5	8	23,0	13	10,0	12
Бибаньгурт	85,0	9	31,8	8	22,0	4
Шуралуд	83,3	10	24,2	12	20,0	7
Тольен	71,1	11	35,0	7	20,1	6
Н-Пыхта	67,0	12	31,1	9	15,9	10
Дебесс	66,2	13	29,0	11	29,0	3
Ваньмыз	85,4		34,34		27,3	

СУД

„Стенгазетаез кесяз“

Таچه заголовокен „Трактор“ газетлэн редакцияз Б-Зетым сельсоветысь „Советское поле“ колхозысь Богатырева Евдокия Александровна стенгазетаез кесяз шуыса заметка гожтэмын вал. Селькорлэн гожтэтэз'я Народной суд Е. А. Богатыреваез колхозной стен-

газетаез кесяз понна 6 толэзь чоже принуд ужын ужаны присудить кариз.

Отв. редактор Н. М. НУЗЬМИН. Поттись райисполком.

Волков Виктор Павловичлэн нимыныз 0340540 номеро партбилетэз ышемьн. Зэмен бөвл лыд'яно.